

Ленинэнь киява

ДЕКАБРЯНЬ
9-це ЧИ
1937 и е
№ 139 (818)
ЛИСИ: 7-це ИЕ
ЧИНЬ ЮТАЗЬ

ВЛКСМ-нь Мордовской обкомонтъ ды Саранскоень ошонь комитетэнтъ, газетаст

ВСЕСОЮЗНОЙ КОММУНИСТИЧЕСКОЙ (БОЛЬШЕВИКТНЕНЬ) ПАРТИАНЬ ЦЕНТРАЛЬНОЙ КОМИТЕТЭНТЬ ОБРАЩЕНИЯЗО

Весе кочкицятненень, рабочейтненень, работницятненень, крестьянтненень ды крестьянкатненень, Якстере Армиянтень, советской интеллигенциянтень

Ялгат!
1937 иень декабрь 12 чистэ Советской Союзонь трудицятне минек Социалистической Конституциянтъ основанзо коряс кармить кочкамо депутатт ССР-нь Союзонь Верховной Советс.

Большевиктнень партиясь кочкамотнесэ выступает беспартийной рабочейтнень, крестьянтнень, служащейтнень, интеллигенциянт марто блоксо, союзсо. Верховной Советэнь депутаткс избирательной округтнесэ регистрировазь кандидатнэнь,—кода коммунистнэнь, истя жо беспартийнойтненьгак,—выдвинули заводтнэва рабочейтнень ды служащейтнень общей промкстнэ, воинской частнэва якстереармеецтнэнь промкстнэ, велетнэва колхозниктнень ды единоличниктнень промкстнэ—коммунистнэнь ды беспартийнойтнень избирательной союзонть основанзо коряс. Неть кандидатуратнень единодушно поддержали избирательной округтнэва ды участкатнэва трудицятнень пек ламо митингтнэ.

Большевиктнень партиясь неотгораживается беспартийнойтнень эйтэ, но, мекев ланк, кочкамотненень моли беспартийнойтнень марто блоксо, союзсо, моли блоксо рабочейтнень ды служащейтнень профессиональной союзтнэнь марто, комсомолонтъ ды беспартийнойтнень лия организациянтнень ды обществатнень марто.

Следовательна, депутаткс кандидатнэ кармить улеме общейт кода коммунистнэнь туртов, истя жо беспартийнойтнень туртовгак, беспартийной эрва депутатокс истя жо карми улеме депутатокс коммунистнэнь пельде, истя кода коммунистической эрва депутатокс карми улеме депутатокс беспартийнойтнень пельде.

Большевиктнень партиясь терди весе коммунистнэнь ды сочувствующейтнень дружнасто, проквейке ломань, голосовамс кода партийной кандидатнэнь кис, истя жо беспартийной кандидатнэнь кис.

Большевиктнень партиясь расчитывает, што беспартийной кочкицятне кармить истя жо дружнасто голосовамо коммунистнэнь—кандидатнэнь кис, кода кандидатнэнь беспартийнойтнень кис.

Улить ли кочкицятнень основаньят голосовамс большевистской партиясь кандидатнэнь кис?

Заслуживает ли большевиктнень партиясь народонь се доверянтъ, конань лангс сон расчитывает сыця кочкамотнесэ?

Мезекс ульнесэ минек родинась икеле ды мезекс сон теевсь Советской Властенъ иетнень перть большевистской партиянтъ руководстванзо пингстэ?

Мезекс ульнесэ минек родинась помещиктнэнь ды капиталистнэнь господстват пингстэ ды мезе сон тейсь рабочейтнень ды крестьянтнень властенъ пингстэ, большевистской партиянтъ руководстванзо пингстэ?

ванзо пингстэ?
Советской Властенъ комсь иетнень перть минек масторонтъ обликезэ овси лияктомсь. Отсталостень ды средневековьянь, темнотань ды культуравтомо-чинь, трудицятнень нишетань, бесправиянь ды угнетениянь масторсто, кодамокс ульнесэ ташто Россиясь, минек масторось теевсь икеле молиця, культурной, социалистической могучей державакс.

Неть успехтнень теинзе минек народось большевиктнень партиянтъ руководстванзо коряс.

Кие бажи сенень, штобу минек масторось икеле пелевгак улелель могучей, культурной ды свободной социалистической державакс, се карми голосовамо большевиктнень партиянтъ кис, се карми голосовамо коммунистнэнь ды беспартийнойтнень блоконтъ кандидатнэнь кис.

Минек масторсо пингедепингес ликвидированнойт хозяйствань капиталистической системась ды эксплуататорской класстнэ, отмененой частной собственности производствань орудиянтнень ды средстватнень лангс ды ломаньсэ ломанень эксплуатациясь истяжась. Минек советской обществанть незыблемой основакс кемекстазь производствань орудиянтнень ды средстватнень лангс социалистической собственности.

Всемирно-исторической те изнявксонтъ теинзе минек народось теинзе большевиктнень партиянтъ руководстванзо коряс.

Кие бажи сенень, штобу Советской Союзонь трудицятне пингедепингес улелель свободнойт эксплуатациянь ярмонть эйтэ, се карми голосовамо большевиктнэнь партиянтъ кис, се карми голосовамо коммунистнэнь ды беспартийнойтнень блоконтъ кандидатнэнь кис.

СССР-сэ социализмань победась обеспечил промышленностентъ расцветэнэ. Кавто пятилеткань иетнень перть теезь первоклассной промышленность, кона оснащеной неень шкань техникасо. Минек социалистической фабрикатнень ды заводтнэнь производствань об'емост войнадо икелень шкань промышленностентъ производствань об'емонзо коряс кавксонтъ седе покш.

Неть успехтнень теинзе минек народось большевистской партиянтъ руководстванзо коряс.

Кие бажи сенень, штобу минек индустриясь касоволь икеле пелевгак, капиталистической мастортнэнь икельдызь, се карми голосовамо большевиктнэнь партиянтъ кис, се карми голосовамо коммунистнэнь ды беспартийнойтнень блоконтъ кандидатнэнь кис.

Лавшо техниканть ды помещикентъ ды кулаконть засилияст марто мелкой ды мельчайшей единоличной крестьянской 2-кементь миллиондо ламо хозяйствань таркас минек масторонь велень хозяйстваньт кассть ды кемекставть социалистической крупной хозяйстват, конат свободнойт помещиктнэнь ды кулактнэнь эйтэ,—243 тыщадо ламо колхозт, конат обильна снабженнойт тракторсо, комбайнасо ды велень хозяйствань современной лия машинасо. Минек колхозной велень хозяйствась совхозтнэнь марто вейсэ, бути кирдемельсэ весе сонзэ отраслянзо, ней производит войнадо икелень шкань велень хозяйстванть коряс кавксот седе ламо продуктат.

Всемирно-исторической те изнявксонтъ минек народось теинзе большевиктнэнь партиянтъ руководстванзо коряс.

Кие бажи сенень, штобу минек колхозтнэ ды совхозтнэ процветали икеле пелевгак, минек масторонтень велень хозяйствань продуктатнень изобилиянь максозь, се карми голосовамо большевиктнэнь партиянтъ кис, се карми голосовамо коммунистнэнь ды беспартийнойтнень блоконтъ кандидатнэнь кис.

СССР-сэ социализманть победазо обеспечил трудицятнень положеняст допрок вадрялгадоманть. Инязоронь Россиясо свал ульнесэ безработнойтнень пек покш масса, кода сон ули капиталистической эрва масторонтъ нейгак. Материальной необеспеченность, вандын чинтень а кемема, нишета ульнесэ рабочей классонтъ эрва шкань уделэкс. Советэнэнь властентъ пингстэ пингедепингес истяжась безработицась Советской гражданинэнтъ икеле, кона бажи трудямо, зярдояк а сти вопрос вандын чинтень а кемемадо. Минек масторонь эрва гражданинэнтень законсо обеспечен права труд лангс, оймсема лангс, сыредемстэ материальной обеспечения лангс.

Неть успехтнень минек народось теинзе большевистской партиянтъ руководстванзо коряс.

Кие бажи сенень, штобу минек масторонь трудицятне икеле пелевгак улелель избавленнойт кодамо бу илязо ули безработицандонть ды вандын чинтень а кемемадонть, кие хочет рабочейтнэнь ды служащейтнень материально-бытовой положеняст икеле пелевгак вадрялгавтоманть, се карми голосовамо большевиктнэнь партиянтъ кис, се карми голосовамо коммунистнэнь ды беспартийнойтнень блоконтъ кандидатнэнь кис.

Мезекс ульнесэ крестьянинэсь помещиктнэнь ды капиталистнэнь властенъ пингстэ? Сон ульнесэ сехте обездоленной, сехте неправной ломанькс. Дореволюционной велесэнт ульнесэ 40 миллионтнэде ламо бедняцкой населения, ломанть, конатнень уделэкс ульнесэ вачо-чись ды нищейкчись. Советской строесь, кона ликвидированзе помещиктнэнь, маштызе кулацкой кабаланть, крестьянтнэнь максэ 150 миллионт гектардо ламо помещичьей ды кулацкой мода ды обеспечил колхозной строень победанть,—пингедепингс избавил крестьянстванть бедной-чинть ды нищейк-чинть эйтэ ды сонэнзэ обеспечил зажиточной ды культурной эрямонь возможностентъ.

Минек народось неть достиженянтнэнь теинзе большевистской партиянтъ руководстванзо коряс.

Кие бажи сенень, штобу минек крестьянствась свал улелель обеспечен нищейк-чинь ды вачо-чинь опасностентъ эйтэ, кие хочет велень зажиточной эрямонть икеле пелевгак кепедеманзо, се карми голосовамо большевиктнэнь партиянтъ кис, се карми голосовамо коммунистнэнь ды беспартийнойтнень блоконтъ кандидатнэнь кис.

Инязоронь Россиясь ульнесэ чопуда ды невежественной. Населениянь подавляющей большинствась ульнесэ безграмотнойкс. Советской масторонтъ жо ютавтозь уш тевс всеобщей обязательной обучения—минек школатнесэ тонавнтить 30 миллионт эйкакшт. Весе гражданинэнь туртов образования лангс правась завоеван ды сермадозь минек Конституциясонть. Масторонтъ населениянь грамотностесь 90 процентнэде ламо. Масторонтъ курок а карми улеме вейкеяк неграмотной гражданин. Наукась, литературась, театрась, искусствась минек масторсо развиваются истя, кода зярдояк арасель. Наукань ды искусствань завоеваниянтне ашгить весе гражданинэнь достояниякс.

Минек народось неть успехтнэнь теинзе большевиктнэнь партиянтъ руководстванзо коряс.

Кие бажи минек масторсо икеле пелевгак просвещениянтъ расцветэнтень, кие хочет Советской Союзонь народтнэнь науканть, литературанть ды искусстванть икеле пелевгак расцветэнтъ, се карми голосовамо большевиктнэнь партиянтъ кис, се карми голосовамо коммунистнэнь ды беспартийнойтнень блоконтъ кандидатнэнь кис.

Авась инязоронь Россиясо ульнесэ рабынякс ды кадновкшны рабынякс капиталистической весе мастортнэсэ. Ансяк СССР-сэ сон свободной ды полноправной. Кода ошсо, истя велесэ-як авась церанть марто кедьте-кедьс моли социализманть строительстванть ды государстванть управлениясонть. Ансяк минек масторсо теезь условият обеспеченной ды счастливой материнстванть туртов. Советской законтнэ ванстыть аванть праванзо ды эйкакштнэнь шумбра-чист.

Минек народось неть успехтнэнь теинзе большевиктнэнь партиянтъ руководстванзо коряс.

Кие бажи сенень, штобу советской минек авась хозяйстванть ды управлениянь весе областнэсэ икеле пелевгак улелель свободнойкс ды полноправнойкс, се карми голосовамо коммунистнэнь ды беспартийнойтнень блоконтъ кандидатнэнь кис.

(Пезэ 2-це страницасо).

Всесоюзной Коммунистической (большеви́ктнень) Партиянь Центральной Комитетэнь обращениязо

(П Е З Э)

совамо большеви́ктнень партиянь кис, се карми голосовамо коммуни́стнень ды беспартийнойтнень блоконтнень кандидатнень кис.

Инязоронь Россиясь ульнесь народтнень тюрьмакс, национальнень гнетонь ды резнянь масторокс, истя жо кода капиталистической весе мастортнэяк являются национальнень гнетонь ды колониальной порабощениянь масторокс. Ансяк Советской Союзсо икеле угнетенной народтнэ добились полной олакстомома национальнень гнетонь ды неравноправиянь эйстэ. Ней СССР-нь народтнэ Советской Союзсо объединеннойтнэ единой союзной государствас равенствань ды добровольношень началатнэсэ. Советской Союзосэ ашти мирсэнть вейкине масторокс, косо окончателна ликвидировазь народтнэнь ютксо взаимной недовериясь ды косо народтнэнь отношениясь теэвить взаимной довериянь, братской союзонь ды дружественной сотрудничествань началатнэсэ.

Всемирно-исторической те победанть минек родинась теизе большеви́ктнень партиянь руководстванзо коряс.

Кие бажи сенень, штобу Советской Союзонь народтнэ икеле пелевгак улелельть свободнойтнэ ды равноправнойтнэ, кие бажи СССР-нь народтнэнь ютксо икеле пелевгак дружбасть кемекстамонтень, се карми голосовамо большеви́ктнень партиянь кис, се карми голосовамо коммуни́стнень ды беспартийнойтнень блоконтнень кандидатнень кис.

Свободной од эрямонь строительствань областьсэнть минек родинанть достижениянзо алкукс великойтнэ. СССР-нь народтнэ сынтэ завоевали внутренней ды внешней врагтнэнь каршо борозьямосонть большеви́ктской партиянь руководстванзо коряс. СССР-нь народтнэнь ояст кенардыть неть достижениятнэнь ды приветствуют сынтэ. Но Советской Союзонть улить аволь ансяк оязно. Сонзэ улить эщо врагонзо. Неть, васняк, масторонть поцо ликвидировазь эксплуататорской класстнэнь кадовиксэст. Неть, омбоцекс, Советской Союзонть томбале капиталистической мастортнэнь реакционно-фашистской вийтне. Бути внутренней врагтнэ малочисленнойтнэ ды вийтеметь, то внешней врагтнэ, конат поддерживают сынтэ (внутренней врагтнэнь) представляют серьезной опасност минек родинанть свободанзо ды независимостензэ туртов. Штобу минек родинанть обезопасить те опасностенть эйстэ, эряви иметь, васняк, вадрясто организовазь карательной органт, конат способнойтнэ обезвредить шпионтнэнь, вредительтнэнь, диверсантнэнь ды советской народонь лия врагтнэнь; эряви иметь, омбоцекс, вадрясто организовазь ды технически оснащенной Якстере Армия, кона способнойтнэ ванстом советской границятнэнь омбоендо нападениятнэнь эйстэ; эряви иметь, наконец, вадрясто продуманной ды последовательна тевс ютавтовица мирэнь политика, кона способной разо.блачать капиталистической масторонь воинствующей

кругтнэнь захватнической политикаст. Зряя иень перть Советской властесь сумела добиться сень, што минек родинанть эсинзэ распоряжениясонзо ней улить, кода проверязь карательной органт ды вадрясто оснащенной Якстере Армия, истя жо мирэнь последовательнойтнэ ютавтовица политика внешней отношениянь областсэнть. Ансяк неть достижениятнэнь улемасонть толковави се фактось, што советской народось вана уш 16 иеть избавлен военной столкновениятнеде, пользуеть мирной эрямонь благатнэсэ ды ули возможностьез ветямс эсь мирной трудонть.

Минек родинанть свободанзо ды независимостензэ ванстомань областсэнть неть успехтнэнь СССР-нь народтнэ завоевали большеви́ктской партиянь руководстванзо коряс.

Кие бажи сенень, штобу СССР-нь трудиятне икеле пелевгак пользовались мирной трудонь благатнэсэ, кие хочет минек родинанть свобода ды независимость, се карми голосовамо большеви́ктнень партиянь кис, се карми голосовамо коммуни́стнень ды беспартийнойтнень блоконтнень кандидатнень кис.

Истят минек родинанть достижениянзо революциянь иетнень перть, конат завоеваннойтнэ большеви́ктнень партиянь руководстванзо коряс.

Истят теვენзэ ды борозьямонь итогонзо большеви́ктнень партиянь, конань валозо зярдояк эзь явкшново теवंть эйстэ ды конань обещаниянзо зярдояк эзьтэ тейневе чаво звукокс.

Вана мекс большеви́ктнень партиясь позволяет эстензэ рассчитывать сыця кочкамотнэсэ народонть довериянзо лангс.

Вана мекс большеви́ктнень партиясь вправе кемемс, што кочкицятне единомушна кармить голосовамо коммуни́стнэнь ды беспартийнойтнень блоконтнень кандидатнень кис.

Кочкиця ялгат!

Избирательной кампаниянь молемстэ ливтезь лангс кой-кона коммуни́стнэнь ды беспартийнойтнэнь стремлениясь голосовамс обязательна ды ансяк партиянь ды правительствань лидертнэнь кис, руководителтнэнь кис, сень лангс алак вано, кодамо избирательной округсо сынэ регистрировазь. Неть ялгатне, очевидна, а чаркодить, што закононь коряс эрва кандидатось может баллотироваться избирательной ансяк вейке округсо. Неть ялгатне, очевидна, а чаркодить, што те эли тона кандидатонть кис голосованиясь, конань (кандидатонть) поддерживает большеви́ктнень партиясь ды беспартийнойтне, ашти аволь ансяк те кандидатонть кис голосованиясь, но, васняк,—се политиканть кис голосованиясь, конань ютавты большеви́ктнень партиясь беспартийнойтнэ марто вейсэ ды конань обязуеть ютавтомс тевс те кандидатось. Задачась ашти сеньсэ, штобу кандидатнэ улелельть народонть теवंтенъ стой-

кой ды преданной ломанекс ды штобу кочкицятне дружнасто голо-сававольть весе кандидатнэнь кис, бути мик сынст эйстэ кой-конатне эсь од-чист кувалт ней а аштить общепризнанной руководителекс. Советской строенть особенностезэ сеньсэ самай аштияк, што сон обеспечивает ломантнэнь, сынст способностест, сынст талантост куроксто касоманть, што эщо исяк малоизвестной ломантне нурька шкас могут теэвемс общеизвестной деятелекс, конат заслуживают всеобщей уважения.

Всесоюзной Коммунистической (большеви́ктнень) Партиянь Центральной Комитетэсь терди весе коммуни́стнэнь ды сочувствующейтнэнь голосовамс беспартийной кандидатнэнь кис истямо жо единомушья марто, кода сынэ должны голосовамс кандидатнэнь—коммуни́стнэнь кис.

Всесоюзной Коммунистической (большеви́ктнень) Партиянь Центральной Комитетэсь терди весе беспартийной кочкицятнэнь голо-совамс кандидатнэнь—коммуни́стнэнь кис истямо жо единомушья марто, кода сынэ кармить голосовамо беспартийной кандидатнэнь кис.

Всесоюзной Коммунистической (большеви́ктнень) Партиянь Центральной Комитетэсь терди весе кочкицятнэнь самс весеменень прок вейке ломань, 1937 иень декабрьнэ 12-це чистэ избирательной урнатнес Союзонь Советс ды Национальностнэнь Советс депутатнэнь кочкамо.

Не должен улемс вейкеяк кочкиця, кона неиспользует эсинзэ почетной праванзо кочкамс депутат Советской государствань Верховной органс.

Не должен улемс активной вейкеяк гражданин, кона бу аволизе лово эсинзэ гражданской долгос кездамс Верховной Советс кочкамотнэсэ весе вейкенъ пес кочкицятнэнь участиятнэнь.

1937 иень декабрьнэ 12-це чистэ должен улемс Ленинэнь—Сталинэнь победной знамянь перька СССР-нь трудиця весе народтнэнь единениянь ине праздникекс.

Весе кочкамо!

Шумбра улезэ ды кемекстазо могучей родинась—Советской Социалистической Республикатнэнь Союзось!

Шумбра улезэ минек советской Социалистической Конституциясь!

Шумбра улезэ рабочейтнэнь ды крестьянтнэнь союзось!

Шумбра улезэ Советской государствань Верховной органонть предстоящей кочкамотнэсэ коммуни́стнэнь ды беспартийнойтнэнь Союзось!

Шумбра улезэ Советской Властесь!

Шумбра улезэ Всесоюзной Коммунистической (большеви́ктнень) Партиясь.

ВСЕСОЮЗНОЙ
КОММУНИСТИЧЕСКОЙ
(БОЛЬШЕВИ́КТНЕНЬ) ПАРТИЯНЬ
ЦЕНТРАЛЬНОЙ КОМИТЕТЭСЬ

1937 иень декабрьнэ 6-це чи.

ВЕСЕ РАЙОНОСЬ АНОКСТЫ КОЧ- КАМОТНЕНЕНЬ

Инсар. Райононть келес участковой избирательной комиссиятнэсэ, клубтнэсэ, ловнома кудотнэсэ, колхозонь правлениятнэсэ, сельпотнэсэ, вельсоветнэсэ, школатнэсэ, медпунктнэсэ, учреждениятнэсэ ды предприятиятнэсэ—эрва косо неяви кочкамотнэненень анокстамонть коряс народной массатнэнь творчествовст касомась. Тосо понгавтнезь выдвинутой кандидатнэнь: Шмидт, Ларионов ды Сергеев ялгатнэнь биографиясь, лозунгт, изнявкстнэнь касомань диаграммат, плакатт, Конституциянь творецэнть Сталин ялганть ды сонзэ малавикс соратниктнэнь портретэст, листовкат, стенгазетат.

Эрва велентень совамсто ортатнэсэ понгавтнезь мазыйстэ рисовазь плакатт, конатнэсэ сермадозь: „Декабрьнэ 12-це чистэ—кочкамотнэненъ чи“.

Эрва косо ютнить промкст, митингт, беседат ды лекцият. Творческой те роботасонть занязэ агитаторт, учительт, служащейтне, рабочейтне, колхозниктне—райононть весе трудицятне.

Кортнематнэнь главной темась—те Верховной Советс кочкамось. Кочкамотнеде кортнить сыретнеяк, одтнэяк—ульцясэ, паксысэ, колхозниктнэнь кудосэ. Колхозниктне тердить Верховной Советс кочкамс родинанть преданнойтнэнь ломанть, тердить седеяк верьгак кепедемс революционной бдительностенть, пресекать народонь врагтнэнь подлой роботаст. Народонь врагтнэ путыть весе виест сень, штобу сеземс кочкамотнэненъ. Теде кортыть Адашево, Чел.-Майдан, Козловка, Лух-Майдан ды лия велетнэсэ фактнэ, косо народонь врагтнэ наяв тейнэсэ эсист вражеской тевест.

Аволь умок Инсарсо ульнэсэ митинг, конанэсэ 2000 ламо избирательтнэ вантэсэ эсист кандидатнэнь—Ларионов ды Сергеев ялгатнэнь марто. Депутаткс кандидатнэ евтнэсэ эсист биографиясь, евтасть покш пасиба трудицятнэненень доверияньтнэ кис.

Комсомолонь райкомось ютавтсь пленум, ютасть учительтнэнь ды избачтнэнь районной совещаният, конатнэнь эйсэ истя жо толковазель кочкамотнэненень анокстамонть вопросось. Ульнэсэ ютавтозь самодеятельностенъ чокшнеть, конатне ульнэсэ посвященнойтнэ Сталинской Конституциянь годовщиянэненъ ды Верховной Советс кочкамотнэненъ.

Ив. Пузаков.

Весе родительтне молитъ Советс кочкамо

Чамзинкань средней школань тонавтициятне ловнызь ды толковизь Саранск ошонь 39 № школань тонавтициятнэнь призывест—лездамс родительтнэненень кочкамотнэненъ чистянтэнь.

Пионертнэ ды тонавтициятне вемельсэ эсь лангозост сайсть обязательства, штобу кочкамотнэненъ чистэ кадновомс кудос эйкакштнэнь марто, штобу весе сынст родительтне молелельть кочкамо.

Тонавтициятне истя жо сайсть обязательства, штобу Советс кочкамотнэненъ чинть вастомс ансяк парсте тонавтемасо.

И. Симдянов.

Чамзинкань район.

Центральной избирательной комиссиянть раз'яснениязо

„Комсомольская правда“ газета-со декабрьн 3 чинь 277 №-сэ „Избирательный бюллетень“ статьясонть сермадозь: „А эряви подписываться бюллетенень алов; аравнемс эсь фамилиянть конвертэнт лангс, секс, што голосованиась тайной ды истят надписьне колыть голосованиань тайнанть“. Те раз'яснениясь можетулемс толковазь аволь видестэ истямо смысла, што бюллетентне, конат подписаннойт кочкиятненъ фамилиясост, эли путозь конвертнес, конатненъ лангсо аравтозь кочки-

ятненъ фамилияст, должны лововомс аволь действительнойкс. Центральной избирательной комиссиянть раз'ясняет, што истямо толковамось ашти ильведевксэкс. Бюллетентненъ ды конвертненъ подписывать не рекомендується, однако, кочкамотнеде Положенианть коряс, истят бюллетентне кармить лововомо действительнойкс.

СССР-нь Верховной Советс кочкамотненъ коряс Центральной избирательной комиссиясь.

КРАСОВСКИЙ ЯЛГАСЬ ЭСЬ ИЗБИРАТЕЛЬТНЕНЬ КЕДЬСЭ

Нетъ читнестэ Мордовской рабфаксо ульнесь Саранск ошонь избирательной васенце участкань избирательтненъ промкс.

Участковой избирательной комиссиянъ председателесь Хаинг ялгась евтнесь седе, што избирательной участкасонт роботыть зярязь кружокт (ансяк съкамонзо рабфаксо 19) Верховной Советс кочкамотнеде Положенианть тонавтнеманзо коряс. Башка робота ветяви кудо-ютконь хозяйкатненъ ютксо. Истя жо моли робота сермас а содыятненъ тонавтоманть коряс. Избирательной списокатне анокстась эсь шкасто. Избирательной участкасонт нолдтневить стенгазетат. Теке марто

тешкстазельт кой-кодат асатыкст Промксонтъ кортасть зярязь избирательт. Сынъ евтнесь эсист счастливой эрямодост, эсист праватнеде, конатненъ тест максынзе Сталинской Конституциясь. Кортасть седе, што сынъ декабрьн 12-це чистэнт покш мельсэ молить кочкамо ды эсь вайгелест макссызь Шмидт, Кузнецов, Красовский ялгатненъ кис.

Промксонтъ молема шкасто эсь избирательтне марто вастомо сась Красовский ялгась, кона вастозельт покш мельсэ. Красовский ялгась избирательтненъ благодарил покш довериянть кис ды евтнэзе эсь биографиянъ.

П. Любаев.

Избирательтненъ марто Валгаева ды Яськин ялгатненъ вастомаст

Декабрьн 6-це чистэ ульнесь Чамзинкань райононь трудицятненъ митинг, косо эсь избирательтненъ марто вастэь СССР-нь Верховной Советс депутатокс кандидатнэ Ксения Даниловна Валгаева ды Павел Михайлович Яськин ялгатне.

Избирательтне покш мельсэ приветствовали эсист кандидатнэнь. Митингсэнт весе кортыцятне тердсть О. Ю. Шмидт, П. М. Яськин, К. Д. Валгаева ялгатненъ кис эсь

вайгелтненъ максомо. Мейле кортасть Яськин ды Валгаева ялгатне. Сынъ нурькинестэ евтнэзь эсист биографияст, эрямодост ды роботасть. Евтасть благодарностъ избирательтнененъ покш довериянть кис.

Митингсэ примась резолюция, конаньсэ Чамзинкань райононь весе избирательтненъ митингсэ терди Шмидт, Яськин, Валгаева ялгатненъ кис голововамо.

С. И.

Парсте содасызь эсь кандидатост

Шугурова велень Каганович ды Блюхер лемсэ колхозтнэнь колхозниктне ды колхозницатне парсте содасызь Верховной Советс аравтозь кандидатост. Секс сынъ вей-

ке мельсэ мерить, што вайгелест макссызь О. Ю. Шмидт, К. Д. Валгаева, П. М. Яськин ялгатненъ кис.

В. Аношкин.

Покш Березникенъ р-н.

МОН СЧАСЛИВОЯН

Ней уш аволь васоло Урусовась,—мерсь подводанть мельгамонь марто молиясь. Сонзэ лангсо кувака, вадря пальтошь ды пильгсэинзэ од кемтне кортасть зажиточной колхозниктэ. Те ульнесь Куйбышев ялганть лемсэ колхозонь колхозник—Александр Михайлович Навозников.

Куроксто карминек кортнеме Верховной Советс кочкамотнеде. Александр Михайлович покш кеняркс марто монень евтнесь, кода ды кинь карми кочкамо Верховной Советс депутаткс.

—Мон эсинь вайгелем макс минек кандидатнэнь Отто Юльевич Шмидт, Ксения Даниловна Валгаевань ды Михаил Андреевич Чембулатов ялгатненъ кис!

Сон шнась Валгаевань эйсэ: —Ванта, вана, эрзянь тейтерь, Ксения, мерян, зяро сон сокась мода эсинзэ тракторсонзо! Ну кода сонзэ а кочкамс Верховной Советс, минек родинань славной те тейтеренть! Бути саемс сидикилень эрямонтъ, ды месьт кортамс,

сон, примеркс, минек Ксения, арсемяк тензэ аволь саво бу теде. Ламо кортнематнеде мейле сон саизе шапканзо ды чамасонзо пек покш кеняркс марто сергедсь: —Мон счастливоян!

Васов каятотсь кодгемень иесэ атянть седей потмонь неть валонзо, конатненъ, мерят, маринзе весе масторось.

—Те счасиянть кис, церам мон валынъ верь, сонзэ кис мон бороцинъ Деникинэнь, ашо поляктнэнь, Махнонь, Марусянь ды лия бандитнэнь каршо.

Александр Михайлович прянек-пильгенек тусь ютазэнтъ ледтнемантень. Евтнесь гражданской войнанть эпизодт, конатнесэ сон примась участия, кода сынст полкось громизе Марусянь банданзо, кода те бандиткась пултнесь велеть, повсесь крестьянтненъ, трудицятненъ верьсэст шлясь паксянтненъ.

—Покш бойсэ истя жо ульнинъ Казаньсэ, Гуляй-Полясо, бороцинъ Махно бандитэнтъ каршо. Да ламо верь валовсь неень эрямонтъ кис,

Коробовтнэнь семияст

„...Металлургиянъ доменной темень од ды сыре боецтнэнь шумбра-чист кис, ды васняк, доменщикентъ Коробов ялганть шумбра-чинзэ кис, Коробовонть кис—тетянтъ, сонзэ церанть кис, доменщиктнэнь Коробовтнэнь весе семиянть кис, сень кис, штобу Коробовтнэнь семияст аволь кадово роботань од методтнэнь эйстэ“.

(Сталин).

Фотось

Д. Фавиловиченъ.



Вить ендо кершев: И. Г. Коробов—тетя, Киров лемсэ Макеевской металлургической заводонь доменной цехень обер-мастер нуцкканзо Лева марто; Мария Коробова—Николай Коробовонь козейказо; Николай Коробов—доцент, Сталин лемсэ Промакадемиянъ директоронть заместителезэ (Москва); Павел Коробов—церазо, Сталин лемсэ Магнитогорской металлургической комбинатонть директор.

Кенярдозь вастсынек Советс кочкамотненъ чинть

Кочкуровань районсонть кочкицятнеде весемезэ 31199 ломанть, сынст ютксо 30 проценттэ ламо од ломанть, конат кармить кочкамо васенцеде. Секс неть счасияв од ломантне Советс кочкамотненъ анокстамо тевсэнть примить активной участия.

РИК-нь президиумось кемектасть 7 комсомолецт участковой избирательной комиссиянъ председателъкс, 12 комсомолецт заместителъкс, 14 комсомолецт секретарькс, 29 комсомолецт комиссиянъ членкс. Теде башка, ноябрьн 12-це чистэнтъ предвыборной районной промкссо кочказь 9 комсомолецт довереннойкс. Райононть

келес Советс кочкамонь положенианть тонавтнема кружоктнесэ 50 комсомолецт роботыть руководителъкс.

Комсомольской организациянть инициативанзо коряс ламо аволь союзной од ломанть таргазь Советс кочкамотнененъ анокстамо тевентень. Сынъ роботыть агитаторкс беседчикекс, толковать тетяставасть туртов кочкамонь закононть.

Ней Кочкуровань трудицятне покш кенярдкс марто учить се чинть, зяро нолдасызь урнантень эсь бюллетенест Верховной Советс депутаткс кандидатокс аравтозь верной ломантненъ кис.

Я. Зубарев.

АНОКТАНО СЧАСИЯВ ЧИНТЕНЬ

Покш Игнатовань ВЛКСМ-нь райкомось ноябрьн 24-це чистэнтъ ютавтсь од тейтертненъ районной промкс седе, кода од тейтертне анокстыть эсь прят декабрьн 12-це чинтень.

Промксонтъ вейке мельсэ мерсть, што минь од тейтертне аноктано те счасияв ды исторической чинтень, макссынек вайгеленек Ленинэнь—Сталинэнь партиянтень преданнойтненъ ды кемевикс ломантненъ кис. **Г. Арютин.**

КОНСТИТУЦИЯНЬ ЧИСТЭНТЬ

Ташто Ардатова велесэ покш под'ем марто ютасть декабрьн 5-це чись—Сталинской Конституциянъ примамонь чись.

Чокшне ульнесь трудицятненъ промкс,косо теезель доклад Сталинской Конституциянть примамонь годовщинадонть, од Конституциянть коряс минек масторонть эрямодонзо.

Промксонтъ примазь резолюция, конаньсэ мерезь: „Минь, Ташто Ардатовань избирательтне, декабрьн 12-це чистэнтъ весе мольдяно кочкамо ды эсь вайгеленек макссынек славной кандидатнэнь кис—О. Ю. Шмидт, М. А. Чембулатов ды К. Д. Валгаева ялгатненъ кис“.

М. Елисейкин.

Ардатовань район.

Избирательной участкань стенгазетатне

Атяшева велень пропагандистнэнь инициативаст коряс избирательной 2-це участкасонт нолдтнить стенгазетат, конатнесэ сермалить кочкамотнененъ анокстадонть, ветить агитация СССР-нь Верховной Советс депутатокс кандидатнэнь кис.

Стенгазетатнесэ примить участия трудицянъ келей массатне.

А. Адушкин.

Атяшевань район.

Эйкакш марто аватнень ютксо раз'яснительной работа

Покш Березникень район. Шугурова велень Калинин лемсэ колхозонь агитатортнень ютксо сех вадрякс ловови Г. С. Чалдушкин ялгась.

Кочкиятнень основной массанть ютксо роботадонть башка, Чалдушкин ялгась Верховной Советс кочкикамонтнень коряс раз'яснительной

работа вети эйкакш марто аватнень ютксо. Сон эрва чокшне ютавтни занятия, козонь сакшныть 30 ават. Толкови тест кочкикамонтнень закононт, отвечакшны кевкстнематнень лангс, евтни кандидатнэде, конат выдвинутойть СССР-нь Верховной Советс депутатокс.

Н. Пивкин.

Ветить агитация Верховной Советс депутатокс кандидатнень кис

Покш Маризь велень избирательной участкатнень помещениятне анокт. Стенатнева педявтез вождтнень портретэст, лозунгт ды плакатт, кочкиятнень спискатне.

Избирательной участкатнес кемекстазь комсомолецт. А. Пизелкина, А. Капитанова, Ф. Шайкин, А. Миронова ды лия комсомолец-

тнэ ветить работа кочкикамонтнень толковамонь коряс, макснить ответт кочкиятнень кевкстнемаст лангс. Евтнить СССР-нь Верховной Советс депутатокс кандидатнэде—Шмидт, Валгаева, Яськин ялгатнеде ды ветить агитация сынст кис голосовамодо.

Д. Юртаев.

Чамзинкань район,

Эряви воспитательной работа

Чамзинкань район. Пянгилай велень первичной комсомольской организациясонть воспитательной кодамояк работа арась, комсомолетнэнь, сех пек одс примазьтнэнь порученият а макснить. Секс кой-кона комсомолетнэ аняськ истяк кандлить комсомолонь почетной лементь.

Вана, примеркс, аволь умок ком-

сомолс примазь Г. Просверин. Сон апак тарга тонавтнемяк, комсомольской активной роботаскак. Ялга ютксо эсь прынзо Просверин вети пек беряньстэ: весень лангс пижни, севны. Эрва кода покорды тейтертнень. Школоса дисциплиназо ковгак а маштови. Просверин севнокшны преподавательтнень мартаюк. Велькор.

Таргамс ответственность

Атяшевась средней школань 8-це «В» классо тонавтни А. И. Урядкин. Сон 1934 иестэнь примазь комсомолс, аволь умок комсомольской организациясь сонзэ панизе ВЛКСМ-нь рядтнестэ.

Урядкин эсь прынзо ветясь ды вети сех наглоистэ. Сон мезекскак эзь лово комсомольской организациянт, тензэ максозь поручениятнень а топавтыль. Свал сими винадо, эрва кода покорды эсь ялганзо, школасо калавты дисциплинать. Те эщо аламо.

Те выродокось Урядкин аяв вети антисоветской кенгелямо школань тонавтниятнень ютксо.

Сон эрва кода покорды комсомолетнэнь ды комсомолкатнень, конат дежурить избирательной участкатнесэ.

Избирательтнень ютксо вети агитация, штобу теемс кочкикамонтнень ютавтомасонть нарушеният.

Зярдэ ВЛКСМ-нь Атяшевась райкомось кемекстызе первичной организациянт решениянзо комсомолсто Урядкинэнь панемадо, энялдсь школань дирекциянтень, штобу Урядкинэнь панемс школасто, но дирекциясь те шкас мезеяк эзь тее.

А. Адушкин.


Лепшти стахановской движениянт

Б. Игнатовань район. Пикшня велень «Красный металлист» колхозонь председателекс малав ниле иеть роботась Сорокин сон колхозонтнень эсь вражеской тевсэнзэ тейсь ламо зьян.

Ней колхозонь председателекс кочкизь С. Г. Туршатовонь. Колхозниктне ульнест колхозонь председателекс Туршатовонь аравтомстонзо каршо, но парторгонть Тулисовонь (конась ней судязь),


настаиваниянзо коряс Туршатов кочказель колхозонь председателекс.

Туршатовонь деязо судязь прок буржуазной националист. Ды аволь случайно, што сонськак Туршатов лепшти стахановской движениянт, а мери макснемс алашат честной колхозниктнэнь, ударниктнэнь. Сон а весть кортнест, што «алашатне кадък лучше аштить кардсо, но а макснемс ударниктнэнь». Содыця.



Культурань дворецэсь ушо ендэ. (СОЮЗФОТО).

Октябрьской социалистической Ине революциянь 20-це годовщинань читнестэ Харьковской областень, Волчанской районь Красноармейской 2-це вельсоветэнь Ильич лемсэ колхозсо ульнест культурань дворецэнь торжественнойстэ пан жовомазо. Культурань дворецэнь—500 таркас зрительной покш зал, Ленинэнь—Сталинэнь комната военной кабинет, библиотека, радио-кабинет, музыкальной комната, велень хозяйствань кабинет.



Чугункань кинь Сарансконь 31 № школань пионертнэ тона втницятне примить активной участия СССР-нь Верховной Советс кочкикамонтнень коряс литературант распространениясо.

СНИМКАСОНТЬ: (керш ендэ витев) Женя Кочетова ды Лида Соколова ваньхть кочкикамонтнень коряс литература.

ФОТОСЬ П. ИВАНОВОНЬ.

Колхозонь клубтнэ кочкикамонтнэ анокстыть беряньстэ

Декабрянь 12-це чинтень кадовсть ловозь чить, но тень лангс апак вано, Кочкуровань районьтнэ келес кой-кона колхозонь клубтнэ кочкикамонтнэ анокстыть беряньстэ.

Саемс Эрзянь Давыдова велень клубонь завонть Киришкинэнь, кона сонсь а содасы Сталинской Конституциянт ды СССР-нь Верховной Советс кочкикамонтнеде Положениянт. Те чис а содасынзе кить регистрировазь Союзонь Советс ды Национальностнень Советс депутаткс кандидатокс Саранской избирательной округканть ды лиява. Истя жо кочкикамонтнеде мезеяк а содыть Од Пыр-

ма велень клубонь завось—Кочайкин, Семилей велень библиотекаресь Меркулаев ды лият.

Тестэ неяви, кодамо роботань результат можна учомс неть ломантнень пельде. Содазь, што тесэ лангс лиснить народонь врагтнэнь действият, конатне снартнить сеземе Советс кочкикамонтнень чинть. РИК-сь ды ВКП(б)-нь райкомось мезеяк эсть тее сень коряс, штобу клубтнэсь ды ловнома кудотнесэ молевель Верховной Советс кочкикамонтнэ анокстамонь коряс алкуксонь работа.

Я. Зубарев.

Кочкуровань р-н.

Тревожной сигнал

Атяшевась район. Алово велесэнь кавто избирательной участковой комиссият, конатне эйтэ вейкесэнь председателекс роботы комсомолонь райкомонь секретаресь Ашаев. Те участкасонть агитатортнэнь ютксо улить аволь благонадежной ломанть, примеркс, Жидякин Мих., конань тетязо аволь умок пекстазь контрреволюционной роботанть кис. Те Жидякинэсь тешкас яла комсомолсо.

Теке жо велесэнь Максим Горький лемсэ колхозсонть кулаконь церась Кудряшев вети агитация

выдвинутой кандидатнень каршо. Ды те нулгодксэсь тешкас апак чумондо.

Предвыборной агитациясь жо пек лавшо. Велесэнь пеледест ламо аватне а содыть кинь кис сын кармить голосовамо.

Аволь седе вадрясто моли кочкикамонтнэ анокстамось омбоце участкасонть, конань секретаресь омбоце чи эри районсо. Те участкасонть тешкас эщо апак сермале ды апак явше голосовамо молемадонть извещениянтнеяк.

П. Кудашкин.

Ответ. редакторось И. ТЮРЬКИН.